

	Ime i prezime vijećnika	ALIJA BEGIĆ
3.	Tekst pitanja/inicijative	Kao i svake godine susreću nas problemi koji nisu riješeni, a mogli bi, ne daj Bože, biti katastrofalni. Naime, radi se o dugoročnom problemu ugroženosti građana odnosno pješaka, kao rezultat učestalosti vožnje bicikala, električnih romobila kroz pješačku zonu Bašćaršija – Ferhadija. Nažalost veliki je trend omladine da se utrkuju



	<p>upravo po ovim pješačkim zonama, na što su građani već uveliko ogorčeni tj. na ovako neodgovorno ponašanje pojedinaca te s razlogom strahuju za svoju sigurnost i naročito sigurnost djece. Također imamo i višegodišnji problem sa nepropisnim parkiranjem vozila, i to na posebno bahat način, a to su: kombi stajališta, raskrsnice, pješački prijelaz, ili drugim riječima rečeno, gdje god postoji prilika za parkiranje. Kao rezultat svaki dan imamo isti problem, zastoje saobraćaja i ugrožen saobraćaj. Također, dionica saobraćajnice, Vijećnica – Katedrala a koja je jako nepregledna zbog jakih krivina kako za pješake tako i za vozače, zbog brze vožnje pojedinaca i zbog ogromnog broja pješaka pogotovo u turističkoj sezoni. Predlažem da se pokrene sa postavljanjem zakonom dozvoljenih uređaja kako bi se saobraćaj mogao kontrolisati i građani zaštitili. Postoji još niz tema o kojima bi mogao obrazložiti, ovim putem vas molim da zakažete sastanak na koji ću se rado odazvati kao bi smo našli najpovoljnije i najefikasnije rješenje po naše građane.</p>
<p>Obrazloženje pitanja/inicijative:</p>	
<p>Odgovor:</p>	<p>Uredovanje u cilju održavanja bezbjednosti saobraćaja nije u primarnoj nadležnosti Općine Stari Grad Sarajevo, kao upravitelja lokalnih cesta, naročito kada se problemi ne tiču komunalne infrastrukture, nego nepoštivanja saobraćajnih propisa od strane vozača.</p> <p>Pitanje bezbjednosti pješaka na javnim površinama, usljed saobraćaja bicikala i romobila je zakonski riješeno posljednjom izmjenom Zakona o uređenju saobraćaja u Kantonu Sarajevo ("Službene novine Kantona Sarajevo" broj 30/17, 46/17 i 1/22). Odredba člana 37. stav (5) ovog Zakona glasi: "Zabranjuje se kretanje bicikala, mopeda i električnih balansirajućih prijevoznih sredstava na površinama koje su namijenjene za kretanje pješaka." Stoga Vašu inicijativu prosljeđujemo Policijskoj upravi na nadležno postupanje akt broj: 13/1-19-12-932/23.</p> <p>Drugi problem koji navodite, problem nepropisnog parkiranja, takođe spada u nadležnost Policijske uprave, kojoj se inicijativa prosljeđuje, akt broj: 13/1-19-12-932/23.</p> <p>Treći problem koji navodite je problem brze vožnje u ulici Mula Mustafe Bašeskije, odnosno inicijativa da se u toj ulici postave "zakonom dozvoljeni uređaji" u cilju kontrole saobraćaja. Pretpostavljamo da pod uređajem mislite na radar, odnosno kameru, koja se postavlja radi evidentiranja brze vožnje, te sankcionisanja vozača.</p> <p>Istovjetnu inicijativu je podnijela vijećnica Merima Arnautović na 26. redovnoj sjednici Općinskog vijeća, kao inicijativu za "Ograničenje brzine kretanja za automobile na glavnoj saobraćajnici, od Gradske vijećnice do Gradske tržnice, odnosno od ulice Telali duž ulice Mula Mustafe Bašeskije i Pehlivanuša, sa dodatnom funkcijom evidentiranja prolaska motornih vozila na crveno svjetlo". Ova inicijativa</p>

	je prosljeđena Ministarstvu unutrašnjih poslova Kantona Sarajevo. Na istu je dostavljen odgovor od strane Ekspertne radne grupe za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa, akt broj 01-30-1-4378-I-10-1/23 od 04.07.2023. godine - da inicijativa nije opravdana. Odgovor je dostavljen Stručnoj službi Općinskog vijeća Općine Stari Grad Sarajevo aktom broj 13/1-19-12-908/23 od 12.07.2023. godine.
Odgovor dala:	Služba za investicije i komunalne poslove

	Ime i prezime vijećnika	ALIJA BEGIĆ
4.	Tekst pitanja/inicijative	<p>Dana 20.06.2023. godine sam se obratio Službi za investicije i komunalne poslove sa zahtjevom za dostavu informacija, odnosno da mi se dostavi kopija Ugovora o izvođenju radova rekonstrukcije, asfaltiranja ulice Baruthana, te nove dionice puta koja vodi do Donjeg Bioska. Dobio sam odgovor veoma brzo i ovim putem zahvaljujem Službi za investicije i komunalne poslove, odnosno, Damiru Džaferoviću koji mijenja Adisa Hadžovića.</p> <p>Odgovor je bio da se trebam obratiti Službi za opću upravu i inspeksijske poslove.</p> <p>Moja sumnja je da radovi nisu urađeni po propisu i da debljina asfalta nije zadovoljavajuća, jer ono što se može primijetiti na pojedinim mjestima jeste da se asfalt već počeo dizati. Počele su se javljati neravnine, te još mnoge druge nepravilnosti. Shodno tome, moja namjera je angažovati građevinskog vještaka kako bi o navedenom dao svoje mišljenje. Pitanje za Službu za investicije i komunalne poslove glasi:</p> <p>Da li je Služba za investicije i komunalne poslove za sve izvedene radove na području Općine Stari Grad imala nadzornog organa, te ako jeste koje je ime i prezime te osobe.</p>
	Obrazloženje pitanja/inicijative:	
	Odgovor:	<p>Općina Stari Grad Sarajevo kao investitor, za sve složenije i obimnije projekte za čiju realizaciju su potrebna značajnija sredstva angažuje eksterni stručno-tehnički nadzor nad izvođenjem radova.</p> <p>Za ugovor o izvođenju radova sanacije dijela ulice Baruthana i Faletići – MZ Moščanica, kao nadzorni organ ispred Općine Stari Grad Sarajevo angažovano je privredno društvo "HIGRACON" d.o.o. Sarajevo, a za ugovor rekonstrukcije kraka ulice Faletići u dužini od 400 metara, od raskrsnice sa ulicom Baruthana do ukrštanja ulica Donje Biosko i Faletići, kao nadzorni organ ispred Općine Stari Grad Sarajevo angažovano je privredno društvo ARTING BH d.o.o. Sarajevo.</p>
	Odgovor dala:	Služba za investicije i komunalne poslove

VIJEĆNIČKA PITANJA I INICIJATIVE

Postavljena na 27.redovnoj sjednici Općinskog vijeća Stari Grad Sarajevo

1.	IME I PREZIME VIJEĆNIKA	Alija Begić
	POLITIČKA PARTIJA	NES
	SJEDNICA OPĆINSKOG VIJEĆA	Redovna sjednica OV Stari grad
	DATUM ODRŽAVANJA SJEDNICE	27.06.2023.god.
	PITANJE ZA (navesti službu, sektor, odsjek, organ, nivo vlasti kojem je upućeno pitanje/inicijativa)	Služba za inspekcijske poslove
	TEKST PITANJA/INICIJATIVE	<p>1. Šta se trenutno dešava sa projektom izgradnje stambenih jedinica, odnosno, naselja za strane goste na Hladivodama.</p> <p>2. Šta se dešava sa projektom Borijama i šta je uzrok obustave radova?</p> <p>Unaprijed hvala,</p> <p>Alija Begić</p> <p>062152893</p>
	OBRAZLOŽENJE PITANJA/INICIJATIVE	
ODGOVOR:	<p>1. Služba za opću upravu i inspekcijske poslove u skladu sa Zakonom o prostornom uređenju („Službene novine KS”, broj 24/14 i 1/18) i Zakonom o inspekcijama („Službene novine KS, broj 2/17), prati izgradnju stambenih objekata- naselje Hladivode, a po osnovu izdatih pravosnažnih odobrenja za građenje od strane Službe za urbanizam Općine Stari Grad Sarajevo. Investior radova je Chapy International d.o.o. Sarajevo. Služba za opću upravu i inspekcijske poslove- Odsjek za inspekcijske poslove je zaprimila 40 prijava početka građenja na navedenom lokalitetu.</p> <p>2. Sektor za inspekcijske poslove pokrenuo je inspekcijske postupke pod brojem UP-I-14-23-4606/16 i UP-I-14-23-4607/16.</p>	

U inspekcijskom postupku koji se vodi pod brojem UP-I-14-23-4606/16 dana 01.08.2017. godine, doneseno je rješenje kojim se obustavlja građenje i naređuje investitoru „ Prva zvijezda” d.o.o. da povuče uposlenike, opremu sa gradilišta i zatvori gradilište. Navedeno rješenje je doneseno nakon izvršene kontrole gradilišta na lokalitetu Brusulje gdje je dana 19.07.2016. godine konstatovano da su započeti građevinski radovi bez pribavljenog pravosnažnog odobrenja za građenje.

U inspekcijskom postupku koji se vodi pod brojem UP-I-14-23-4607/16 od 01.08.2017. godine doneseno je rješenje kojim se obustavlja građenje i naređuje investitoru „ Prva zvijezda” d.o.o. da povuče uposlenike, opremu sa gradilišta i zatvori gradilište. Navedeno rješenje je doneseno nakon izvršene kontrole gradilišta na lokalitetu Faletići- Emirovice gdje je dana 19.07.2016. godine konstatovano da su započeti građevinski radovi bez pribavljenog pravosnažnog odobrenja za građenje.

Odgovor dala:

Služba za opću upravu i inspekcijske poslove
Odsiek za inspekcijske poslove